

Cúrsaí Fostaíochta

Ceist 1

Beidh tú ag féachaint ar ball ar thuairisc faoi dhá chomhlacht idirnáisiúnta atá chun fostaíocht a chruthú in Éirinn. Sula bhféachann tú ar an tuairisc an féidir leat féin agus an duine in aice leat na téarmaí / frásaí Gaeilge a cheangal leis na focail ar dheis?

1. health care	a. líon na n-ionad príomhchúraim
2. number of primary care units	b. ceanncheathrú idirnáisiúnta
3. technological company	c. earcaíocht
4. international headquarter	d. comhlacht (infheistíochta) caipitil
5. online storing system	e. cáipéisí, grianghraif agus físeáin
6. documents, photos and videos	f. á reáchtáil
7. they intend to	g. cúram sláinte
8. recruitment	h. comhlacht teicneolaíochta
9. capital (investment) company	i. córas stórála ar líne
10. which means	j. a chiallaíonn
11. being run	k. tá sé ar intinn acu

1	2	3	4	5	6	7	8	9	10	11

Féachaigí ar an mhír uair amháin le feiceáil an raibh an ceart agaibh.

Ceist 2

Féach ar an mhír uair amháin eile agus ceangal na huimhreacha i gcolún **A** leis na fíricí cearta i gcolún **B**:

A	B
40	a. an méid infheistíochta a chuir comhlacht príobháideach in <i>Dropbox</i>
200	b. an líon post a chruthóidh <i>Centric Health</i>
100 milliún	c. an líon post a chruthóidh <i>Dropbox</i> i mBaile Átha Cliath
20 milliún	d. an laghdú a thioctadh ar líon na n-ionad príomhchúram sláinte
10 - 20	e. líon na bpost a chruthóidh <i>Centric Health</i> taobh istigh de bhliain
50	f. an líon daoine a úsáideann <i>Dropbox</i>

40	200	100 milliún	20 milliún	10-20	50

Ceist 3

Cad iad na slite ar fad atá agat chun an uimhir 40 a rá? Bhí dhá shampla sa mhír.

Ceist 4. ‘...dhá chéad **post**...’

(a) Líon an bosca thíos leis na rialacha a bhaineann le hainmfhocail a chomhaireamh a léiriú:

Ainmfhocal	1	2-6	7-10	20, 30...
bord				
úll				

(b) Féach ar an fhocal ‘post’ thuas, agus na samplaí eile ón mhír:

40 **post**, 100 milliún **duine**, 20 milliún **euro**,

Cad is féidir leat a rá faoin ainmfhocal?

Ceist 5

Déan cibé athrú is gá ar na focail atá idir lúbíní agus ansin éist leis an mhír arís le feiceáil an raibh an ceart agat:

i (Baile Átha Cliath)
le (Baile Átha Cliath)
do (cáipéisí)
ó (gléasanna)
ar (ceathracha)
ó (deich)
de (bliain)

Ceist 6

Pléigh na ceisteanna seo leis an duine in aice leat nó le do ghrúpa:

- An bhfuil a fhios agat cad ba mhaith leat a dhéanamh tar éis na scoile/hollscoile?
- An mbeidh post le fáil agat i do cheantar dúchais, dar leat?
- Ar mhaith leat a bheith ag obair thar lear, dar leat?
- Ar mhaith leat dul ar imirce? Cén fáth?

Freagraí

Ceist 1

1	2	3	4	5	6	7	8	9	10	11
g	a	h	b	i	e	k	c	d	j	f

Ceist 2

40	200	100 milliún	20 milliún	10-20	50
c	b	f	a	d	e

Ceist 3

Daichead, dhá scór agus ceathracha.

Ceist 4

(a)

Ainmfhocal	1	2-6	7-10	20, 30...
bord	bord amháin	dhá bhord, cúig bhord	seacht mbord, ocht mbord	fiche bord
úll	úll amháin	trí úll, ceithre úll	naoi n-úll, deich n-úll	tríochoa úll

(b) Moltar gan séimhiú ná urú a chur ar an ainmfhocal tar éis na n-uimhreacha 20, 30, 40, 50, ar aghaidh agus é a choinneáil san uatha.

Ceist 5

i mBaile Átha Cliath
le Baile Átha Cliath
do cháipéisí
ó ghléasanna
ar cheathracha
ó dheich
de bhliain

Ceist 6

Abair leis na foghlaimeoirí na ceisteanna a phlé ina mbeirteanna nó i ngrúpaí.

Eimear Ní Chonaola

Tá an comhlacht Cúram Sláinte *Centric Health* le dhá chéad post a chruthú nuair a chuirfidh siad le líon a n-ionad príomhchúraim. Agus, tá sé fógartha ag an gcomhlacht teicneolaíochta *Dropbox* go bhfuil siad lena gceanncheathrú idirnáisiúnta a bhunú i mBaile Átha Cliath, áit, a deirⁱ siad, a gcruthófar dhá scór post.

Caoimhe Ní Chonchoille

Is é *Dropbox* an comhlacht teicneolaíochta is deireanaí le Baile Átha Cliath a roghnú dá cheanncheathrúⁱⁱ idirnáisiúnta. Tuairim is céad milliún duine a úsáideann *Dropbox*. Cuireann an comhlacht córas stórála ar líne ar fáil do cháipéisí, grianghraif agus físeáin, agus is féidir teacht orthu ó ghléasanna éagsúla áit ar bith sa domhan. Cruthófar thart ar cheathracha post ina n-oifig úr i mBaile Átha Cliath le tacaíocht theicniúil agus seirbhísí eile a chur ar fáil. Deir an comhlacht go bhfuil sé ar intinn acu tús a chur le hearcaíocht ar bhonn láithreach. Bhí dea-scéal fostaíochta eile ann inniu chomh maith agus fógra ón chomhlacht cúram sláinte *Centric Health* go bhfuil siad le dhá chéad post úr a chruthú in ionaid chúraim phríomhúil úra a bheas á reáchtáil acu. Deir *Centric Health* go bhfuil comhlacht caipitil príobháideach ón Eoraip ag déanamh infheistíochta fiche milliún euro sa chomhlacht, rud a chiallaíonn gur féidir le líon na n-ionad atá á reáchtáil acu a mhéadú ó dheich go fiche. Thug an comhlacht le fios go mbeadh caoga de na postannaⁱⁱⁱ úra le cruthú taobh istigh de bhliain. Caoimhe Ní Chonchoille, Nuacht TG4.

ⁱ a ndeir a deirtear

ⁱⁱ gceanncheathrú a deirtear

ⁱⁱⁱ poist atá sa chaighdeán